

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10) a u vezi sa članom 23. Zakona o izvršavanju budžeta Zeničko-dobojskog kantona za 2014. godinu („Službene novine Zeničko-dobojskog kantona“, broj 15/13), na prijedlog Ureda premijera, Vlada Zeničko-dobojskog kantona, na 147. sjednici održanoj 06.02.2014. godine, d o n o s i

## **ZAKLJUČAK**

**o usvajanju Programa utroška finansijskih sredstava, sa razdjela 11 – Ured premijera, budžetska organizacija 01, potrošačka jedinica 001, ekonomski kod 614200 (BCD203), Budžeta Zeničko-dobojskog kantona za 2014. godinu, pozicija „Tekući transferi pojedincima“**

### **I.**

Usvaja se Program utroška finansijskih sredstava, sa razdjela 11 – Ured premijera, budžetska organizacija 01, potrošačka jedinica 001, ekonomski kod 614200 (BCD203), pozicija „Tekući transferi pojedincima“, Budžeta Zeničko-dobojskog kantona za 2014. godinu u iznosu od 9.850,00 KM (slovima: devethiljadaosamstopedeset KM), i čini sastavni dio ovog zaključka.

### **II.**

Sredstva iz Programa iz tačke I. zaključka realizovat će se u skladu sa odobrenim mjesečnim planovima, a usklađeno sa realizacijom ostvarenih javnih prihoda u prethodnom mjesecu, osim u slučajevima odobrenim posebnom odlukom vlade.

### **III.**

Sredstva iz člana I. ovog zaključka koristiće se po prijedlogu Ureda premijera, na osnovu akta kojeg donosi Vlada.

### **IV.**

Zadužuju se Ured Premijera i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svoje nadležnosti.

### **V.**

Zaključak stupa na snagu danom donošenja.

Broj: 02-\_\_\_\_\_/14.  
Datum, 06.02.2014. godine  
Z e n i c a

**PREMIJER**

*Munib Husejnagić, dipl.ing.maš.*

DOSTAVLJENO:

1x Ured premijera,  
1x Ministarstvo finansija,  
1x a/a

## **PROGRAM**

**utroška finansijskih sredstava, sa razdjela 11 – Ured premijera, budžetska organizacija 01, potrošačka jedinica 001, Budžeta Zeničko-dobojskog kantona za 2014. godinu, pozicija „Tekući transfer pojedincima“**

Zenica, januar 2014. godine

## 1. NAZIV PROGRAMA

- Program utroška finansijskih sredstava sa razdjela 11 – Ured premijera, budžetska organizacija 01, potrošačka jedinica 001, ekonomski kod 614200 (subanalitika BCD 203), Budžeta Zeničko-dobojskog kantona za 2014. godinu, pozicija „Tekući transfer pojedincima“

## 2. OPIS (SVRHA) PROGRAMA

- Ovim Programom Vlada Zeničko-dobojskog kantona (u daljem tekstu: Vlada), u skladu sa svojim ovlaštenjima i u Budžetu za 2014. godinu planiranim sredstvima, želi:
  - 1) nagraditi i stimulirati pojedince koji su svojim radom i zalaganjem postigli određene rezultate u svim oblastima društvenog života (sport, umjetnost, inovacije i slično);
  - 2) dati materijalnu pomoć pojedincima (osobama) kojima je ta pomoć potrebna, a čije finansiranje nije obuhvaćeno finansiranjem drugih budžetskih korisnika.

## 3. POTREBNA SREDSTVA ZA PROVOĐENJE PROGRAMA

- U Budžetu Zeničko-dobojskog kantona u ovu svrhu planirana su sredstva u iznosu od 9.850,00 KM na razdjelu 11, budžetska organizacija 01, potrošačka jedinica 001, ekonomski kod 614200 (subanalitika BCD 203), pozicija „Tekući transfer pojedincima“ Budžeta Zeničko-dobojskog kantona za 2014. godinu („Službene novine Zeničko-dobojskog kantona“, broj 19/12).
- Planirana sredstva u za ovu namjenu u budžetu Zeničko-dobojskog kantona raspoređuju se na sljedeće pozicije u Programu:

Broj	Pozicija u Programu	Iznos
1	2	3
1	Nagrade Vlade Zeničko-dobojskog kantona pojedincima	<b>6.000,00</b>
2	Pomoći pojedincima	<b>3.000,00</b>
3	Rezervna sredstva	<b>850,00</b>
<b>Ukupno</b>		<b>9.850,00</b>

- Sredstva iz ovog Programa sa pozicije „Tekući transfer pojedincima“, realizovat će se u skladu sa odobrenim mjesečnim planovima, a usklađeno sa realizacijom ostvarenih javnih prihoda u prethodnom mjesecu, osim u slučajevima odobrenim posebnom odlukom Vlade.

## 4. KRITERIJI ZA DODJELU SREDSTAVA

- Osnovni i jedini kriterij za dodjelu pomoći je da je pojedincu potrebna pomoć za:
  - da su nastanjeni na području Zeničko-dobojskog kantona ili da imaju prebivalište na teritoriji Zeničko-dobojskog kantona;
  - da su se istakli i da imaju postignute rezultate kojima su dostojno predstavili Zeničko-dobojski kanton na takmičenjima i manifestacijama na kojima su učestvovali;
  - da posjeduju adekvatnu dokumentaciju kojom obrazlažu svoju molbu za dodjelu sredstava

- da pojedinci nisu već primili sredstava ili da nije u toku postupak dodjele sredstava od drugih Ministarstava

## 5. POSTUPAK ZA DODJELU SREDSTAVA

- Prijavu za dodjelu sredstava sa relevantnom dokumentacijom, pojedinci podnose Uredu premijera Zeničko-dobojskog kantona, koji u skladu sa članom 23. Zakona o izvršavanju Budžeta Zeničko-dobojskog kantona („Službene novine Zeničko-dobojskog kantona“, broj 15/13), nakon razmatranja, prosljeđuje Vladi Zeničko-dobojskog kantona na donošenje odgovarajućeg akta.

## 6. ZAKLJUČNE ODREDBE

- Za realizaciju Programa, kao i praćenje pravilnosti i dinamike utroška sredstava zaduženi su Ured premijera i Ministarstvo finansija u skladu sa zakonom i podzakonskim aktima, svako u okviru svoje nadležnosti.

Broj: 02-\_\_\_\_\_ /14.

Datum, 06.02.2014. godine

Z e n i c a

**PREMIJER**

*Munib Husejnagić, dipl.ing.maš.*

DOSTAVLJENO:

1x Ured premijera,

1x Ministarstvo finansija,

1x a/a